



مجلس بنداراي قتاليج جايا

MAJLIS BANDARAYA PETALING JAYA

Jalan Yong Shook Lin, 46675 Petaling Jaya, Selangor Darul Ehsan.

Tel : 603 - 7956 3544 Faks : 603 - 7958 1494

Hotline MBPJ : 603 - 7954 2020 E-mel : aduan@mbpj.gov.my Laman web : www.mbpj.gov.my

KENYATAAN AKHBAR

BIL :

Ruj. Kami: MBPJ.UKK.100-9/1/1 JILID 1 (36)

Tarikh: 18 Julai 2023

MAJLIS PECAH TANAH PROJEK PEMBINAAN GERAI BAGI TAMAN RAKYAT (PEOPLE'S PARK) DAMANSARA DAMAI, PETALING JAYA.

Majlis Bandaraya Petaling Jaya telah mengadakan majlis pecah tanah projek pembinaan tapak gerai dan kemudahan rekreasi di dalam taman rakyat (*People's Park*) Damai Setia atau dikenali sebagai urban park 1 di PJU 10 Damansara Damai hari ini.

Tujuan projek ini dilaksanakan adalah untuk menyelesaikan isu berkaitan penempatan peniaga tanpa lesen (ptl) yang telah mencetuskan beberapa masalah seperti kawasan yang kotor dan binaan struktur halangan di jalan PJU10/1 Damansara Damai juga aduan daripada penduduk sekitar berkaitan masalah ini. Setelah melalui pelbagai perbincangan dan usaha penguatkuasaan, majlis telah merancang dan melaksanakan projek ini sebagai langkah pencegahan dan penambahbaikan.

Melalui cadangan pembangunan tapak gerai dan kemudahan rekreasi ini, majlis telah merekabentuk konsep pusat peniaga secara harian yang dinamakan sebagai 'hentian damai' yang berinspirasi *"pitstop caravan"* di dalam taman dengan keluasan 1.433 ekar. Konsep ini akan menonjolkan elemen mesra alam *"within the forest"* dengan pendekatan susun atur mampan dalam jangka masa panjang. Selain itu, komponen rekreasi dan komersial yang akan memenuhi keperluan sosial harian dan demografi penduduk setempat juga akan disediakan dalam projek ini nanti.

Dalam pembangunan ini, terdapat beberapa komponen telah disediakan di tapak yang merangkumi 36 petak gerai yang mengandungi 30 petak gerai berukuran 6 meter x 6 meter, 6 petak gerai berukuran 3 meter x 3 meter, 8 petak jualan buah-buahan, 36 petak tempat letak kereta, 1 surau, 1 tandas, 1 pondok pengawal, 1 permainan bersepadu, 3 wakaf, 1 sistem spah, dan 1 ruang terbuka. Semua komponen ini telah dirancang dengan mengambil kira



komponen rekreasi dan komersial yang akan memenuhi keperluan sosial harian dan demografi penduduk setempat.

Bagi memastikan tapak gerai ini berdaya saing dan menjadi '*point of interest*' (POI) kepada pengunjung untuk datang ke Petaling Jaya, majlis telah mengambilkira pembinaan tapak ini berasaskan kepada perkara berikut :-

- 1) **Taburan Pengerai** – Memastikan lokasinya yang strategik, berdekatan dengan lokasi peniaga tanpa lesen (PTL) sedia ada di hadapan apartment idaman jalan pju 10/1 damansara damai,
- 2) **Jaringan Mobiliti** - Menyediakan sirkulasi dan kemudahan sampaian pengunjung dan pengerai ke lokasi melalui jalan utama,
- 3) **Kemudahan Pakir** – Mengunapakai tempat letak kereta sedia ada bersebelahan bangunan dewan serbaguna mampu menampung bilangan pengunjung yang datang.

Sejajar dengan matlamat dan hala tuju Pelan Strategik Sustainable Petaling Jaya 2030 (PJSSR 2030), projek ini juga bertujuan untuk mengoptimumkan kawasan hijau di taman bandar dan meningkatkan '*liveability*' serta fasiliti kepada penduduk damansara damai dan ianya merupakan usaha terpenting dalam memastikan kemampanan alam sekitar dan kehidupan yang berkualiti untuk semua.

Penyediaan tapak gerai ini bukan sahaja untuk menyelesaikan isu peniaga tanpa lesen, tetapi juga memberi imej dan identiti baharu dengan adanya kemudahan awam dan rekreasi yang selesa dan kondusif kepada pengunjung dan tapak gerai ini akan menjadi tempat tarikan dan menyumbang kepada peningkatan ekonomi setempat.

Diharapkan agar projek ini akan membawa manfaat yang besar kepada komuniti Damansara Damai dan memperkukuhkan lagi kedudukan Petaling Jaya sebagai sebuah bandar berdaya saing dalam mencapai pembangunan bandar pintar, mampan dan berdaya tahan menjelang tahun 2030.

Dikeluarkan oleh.

**Sekretariat Media
Unit Komunikasi Korporat,
Majlis Bandaraya Petaling Jaya.**

Laman web: www.mbpj.gov.my, facebook: Majlis Bandaraya Petaling Jaya, twitter: pjcouncil, emel: media@mbpj.gov.my Tel : 03-79563544 sambungan 203/414
Faks : 03-79582695.